

ХУУЛЬ БИДНИЙ АМЬДРАЛД



Зорилт:

- Хуулиар нийгмийн харилцааг зохицуулдаг болохыг тайлбарлаж, хууль, дүрмийн ач холбогдолыг тодорхойлох



Сэдвийн агуулга:

- Хууль, дүрэм гэж юу вэ?
- Хууль бидний амьдралд ямар хэрэгтэй вэ?

Сургалтын арга:

- Хэлэлцүүлэг хийх

Хичээлийн хэрэглэгдэхүүн:

- “Хууль, дүрэм яагаад хэрэгтэй вэ?” видео

Түлхүүр үг:

Улсын Их Хурал

Монгол Улсын парламент буюу хууль тогтоох дээд байгууллага. Монгол Улсын Их Хурал 76 гишүүнээс бүрдэнэ.

Дүрэм

Тодорхой бүлэг хүмүүс, байгууллагын үйл ажиллагаа, харилцааг зохицуулахаар гаргасан хэм хэмжээ.

Хууль

Нийгмийн харилцааг зохицуулахын тулд парламентаас батлан гаргасан, бүх нийтээр заавал дагаж мөрдөх ёстай эрх зүйн хэм хэмжээ. Монгол Улсын хуулийг зөвхөн Монгол Улсын Их Хурал ард түмний нэрийн өмнөөс батлан гаргадаг.

Үйл ажиллагаа

1. Сэдэлжүүлэлт

“Дүрэм гэж юу вэ?” гэж асуун сурагчдын өмнөх мэдлэгийг сонсоно.

2. Шинэ мэдлэг бүтээх

a) Багаар ажиллах

- Сурагчид багт хуваагдан ангийн дүрмийг боловсруулна. Ингэхдээ багийн гишүүн бүр дасгалын хуудсанд заасны дагуу өөрийн дүрмийн саналыг боловсруулаад баг дотроо нэгтгэнэ.
- Баг бүр боловсруулсан дүрмээ танилцуулж, нийт багийн саналыг нэтгэнэ. Ингэхдээ баг бүрийн дүрмийн заалт тус бүрээр нь гар өргөж санал хураана. Ингээд олон санал авсан заалтуудыг дүрэмд тусгана.
- Багш багийн ажлыг дүгнэх. Ингэхдээ яагаад заалт тус бүрээр санал хураасан, дүрмийг баталж, хэрэгжүүлснээр гарах үр нөлөө, ач холбогдолд анхаарлаа хандуулна.

b) Мэдээлэл цуглуулах

Сурагчийн гарын авлагаас “Хууль бидний амьдралд” сэдвийг уншина. Дараах асуултын хүрээнд ярилцаж бататгана. Үүнд:

- Дүрэм, хууль ямар ялгаатай вэ?
- Дүрмийг хэн, хэрхэн гаргадаг вэ?
- Хүмүүс өөрийн дагаж мөрдөх дүрмийг гаргахад оролцож болох уу? Яаж? Яагаад?
- Хэн хууль батлах эрхтэй вэ?
- Хууль ямар үүрэгтэй вэ?
- Хэрвээ хууль, дүрэм байхгүй бол юу болох бол?

“Хууль, дүрэм яагаад хэрэгтэй вэ?” видеог үзнэ.

3. Бататгал

- Дасгал ажлын хуудсыг хувилаад сурагчдад тарааж өгнө.
- Дасгалыг хэрхэн хийх зааврыг танилцуулж, гүйцэтгэх хугацаа олгоно.

Дасгал ажил 1.

Дасгалын хуудсанд заасны дагуу ангийн дүрмийг боловсруулна уу.

- Ангийн дүрэмд оруулж болох заалтуудыг жагсаан бичээрэй.
- Бичсэн заалтуудаа зөвшөөрсөн болон хориглосон байдлаар нь ангилаарай.
- Яагаад энэ үйлдлийг зөвшөөрсөн, яагаад хориглосноо тайлбарлаарай.

Хяналтын асуулт:

1. Хууль, дүрмийн ялгаа юу вэ?
2. Хууль, дүрэм нь бидний амьдралд ямар үүрэг гүйцэтгэдгийг жишээгээр тайлбарлана уу.

Дасгал ажил 1.



ОВОГ, НЭР _____

АНГИ: _____



АНГИЙН ДҮРЭМ

ЗОРИЛГО:

Энэ бол
манай
ангийн
эрхэм
зорилго

ДҮРЭМ 1:_____

ДҮРЭМ 2:_____

ДҮРЭМ 3:_____

ДҮРЭМ 4:_____

ДҮРЭМ 5:_____

ДҮРЭМ 6:_____

ДҮРМИЙГ БИЕЛҮҮЛСНЭЭР ГАРАХ ҮР НӨЛӨӨ:

ХАРИУЦЛАГА:

Дүрмээ
биелүүлэхгүй
бол энэ
хариуцлагыг
хүлээнэ.

